

Korupcija

Korupcija je djelo koje se kažnjava, to je zloupotreba povjerenja ili dužnosti. Ona označava potplaćivanje i dešava se na raznim mjestima. Korupcijom se krše pravila jedne ili više osoba kao skupine i ona je zapravo uzrok propasti civilizacija i država.

Korupcija sputava ekonomski i privredni razvoj. U svijetu u današnje vrijeme preovladava korupcija i zbog toga je dosta zemalja u krizi. Ona ugrožava uslove za život, socijalnu stabilnost društva, blokira javnu upravu, a i sudstvo postaje neefikasno. Urušava se temelj vrijednosti društva i gubi se povjerenje građana, te samim tim utiče na prava čovjeka. Korupcija datira još od antičkog doba i sam Aristotel je rekao: " najveći zločini nisu izvršeni radi pribavljanja nužnog nego suvišnog", i ugrožavala je svu historiju. U današnjem vremenu, korupcija predstavlja najteži oblik kriminala. U moralnom smislu korupcija ugrožava osnovne ljudske vrijednosti kao što su: ravnopravnost, sloboda, dostojanstvo i još mnogo toga.

Kako protiv korupcije?

Postoji mnogo načina kako bismo spriječili korupciju kao što su: novinarski rad, kampanje, podizanje svijesti, javnost i civilno društvo... U borbi protiv korupcije potrebna je zajednička snaga. Manja grupa ljudi koji promovisu javni interes bitni su za masovnu građansku mobilizaciju protiv korupcije. Policija i sudstvo su samo neke od pretpostavki. Također policija i sudstvo trebaju imati javnu podršku građana da bi se spriječila korupcija.

Vršnjačko nasilje

Vršnjačko nasilje je svaki oblik uznemiravanja ili povrijeđivanja osobe, kao što je verbalno nasilje (prijetnje i omalovažavanje), socijalno (izbjegavanje, ignorisanje, širenje tračeva), psihološko (oštećivanje imovine, bacanje stvari), fizičko (guranje, udaranje), te ekonomsko (omalovažavanje zbog finansijskog problema).

Osobe koje ponižavaju druge to ne rade iz neke prethodne ljutnje već zbog preziranja žrtve zbog nekih stvari po kojima je ta osoba drugačija. Danas svako malo vidamo po društvenim mrežama vršnjačko nasilje, pogotovo među maloljetnicima. Djeca uz to koriste mobilne uređaje kako bi snimili nasilje, objavili i "hvalili" se da su "uspjeli" poniziti nekoga. Da li se radilo o vršnjacima koji su kako to oni smatraju "manje vrijedni" ili zbog nekih drugih razloga, ipak ta djeca budu zlostavljana. Najviše se radi o djeci koja su izolovana iz društva, trpe ogovaranje i o njima se izmišljaju razne priče koje nisu istinite. Također, u tu skupinu spada i seksualno nasilje gdje djecu diraju po određenim dijelovima tijela, nude im seksualni čin. A uz to, internet ima veliku ulogu jer se koristi za zloupotrebu fotografija i video snimaka. Dijete koje trpi nasilje se povuče u sebe i razmišlja negativno.

Da bi riješili nasilje prvi korak je razgovor sa djetetom. Pokušajmo da saznamo od strane koga se nasilje događa i zbog čega. Ako nas drugi maltretiraju trebamo prijaviti starijoj osobi jer nasilje ne trebamo trpiti. Djeca koja vrše nasilje imaju više razloga za to. Neki zbog loše situacije kod kuće (finansijske ili neke druge), također razvod roditelja može uticati na djecu i oni ispoljavaju taj bijes nad svojim vršnjacima. Djeca koja su svjedoci vršnjačkog nasilja obično šute jer misle da je to tužakanje, ali trebamo im objasniti razliku između tužakanja i prijavljivanja nasilja. Djecu trebamo učiti da se u životu i gubi i dobija. Roditelji bi trebali razgovarati sa djecom kako bi izgradili povjerenje i kako bi djeca govorila roditeljima ako imaju neki problem.